

DARI SEBULAN KE SEBULAN

Tunku Abdul Rahman telah dan telah pulang dari haji.

Selama di Mekah beliau dikatakan menolak dijadikan diferaajaan kerana beliau datang menunaikan fardu haji adalah sebagai Tunku Abdul Rahman bukannya sebagai Tunku Abdul Rahman Perdana Menteri Persekutuan Tanah Melayu.

Ini patut menjadi contoh kepada orang-orang kita bagi mengetahui perbezaan di antara perkara yang mengenai diri dan perkara mengenai jawatannya.

* * *

Sesudah Tunku sampai ada pula perkara-perkara yang diribut-ributkan orang iaitu adakah hendak disebut Haji Tunku Abdul Rahman, atau Tunku Haji Abdul Rahman, atau pun Tunku Abdul Rahman al-Haj. Kita berpendapat apakah mesti diribut-ributkan perkara nama kerana orang pergi haji bukan mahu *title* haji tetapi yang di maksud menunaikan fardu haji. Tidak disebut pun nama namanya kalau sudah haji tidak apa salahnya demikian juga kalau tidak pun berserbankan sudah haji juga kalau sudah menunaikan fardu haji.

* * *

Harian Semenanjung, tatkala hampir akhir hayatnya bukannya membaca *Istighfar* untuk meminta ampunkan dosa tetapi telah membuat dosa dengan menuduh orang yang menunaikan rukun Islam dan rukun iman sebagai orang-orang Khawārij dan seumpamanya serta menyiarangkan pula suatu makalah yang tersiar di dalam bulanan Arabnya *al-Salām* yang mencerca orang-orang yang tidak sepengertian dengan fahamnya. Sebab-sebabnya harus kerana sifat kolot orang-orang itu

tidak banyak lagi yang mahu cium tangan lalu marah-marah sama orang ramai - iaitu menunjukkan perasaan sifat-sifat yang ada di dalam dadanya. Rasulullah mengajar mereka apabila berhujah hendaklah berhujah, berbahas dengan lebih baik daripada mereka - bukannya pakai hukuman orang Khawārij dan seumpamanya. Untung juga Semenanjung sudah ((*qālū* - kata orang-orang kita. Kalau ia masih hidup dengan sifatnya demikian itu tentulah akan membawa banyak perpecahan sebab sifat itu berani tulis di belakang sahaja - di lawan orang berhadapan tidak berani.

* * *

“Abdullah Munsyi” berteriak-teriak di dalam ruangannya mengatakan ada perpecahan di dalam lingkungan *ahli al-sunnah* iaitu setelah *itba‘ al-sunnah* menulis menerangkan mereka tidak terikut fahaman Tuan Hassan bin Ahmad. Tetapi Abdullah Munsyi rupanya lupa bahawa orang-orang *ahli al-sunnah* orang-orang *itba‘ (mutabbi‘)* - tidak tukang *taqlid* sahaja. Kalau tukang *taqlid* tentu ikut terus dengan tidak periksa alasan. Orang-orang *itba‘ al-sunnah* tentunya tidak mahu disuruh bacakan talkin kepada Semenanjung sebab ia bukan tukang *taqlid* kerana itu harus yang bacakan talkin untuk Semenanjung Abdullah Munsyi sebagai mereka tukang *taqlid* dan tukang seranah - bukan tukang cari yang benar, membahas kebenaran dengan ilmu.

* * *

Alkitab diceterakan oleh yang empunya cetera ada suatu kejadian di suatu tempat yang baik menjadi teladan. Suatu majlis di suatu kampung ada orang

membaca kisah Mi'raj. Apabila tukang baca kisah itu, seorang imam, telah menceterakan apabila Rasulullah (S.A.W) sampai di Baitulmaqdis maka Allah turunkan tangga untuk Rasulullah naik ke langit yang pertama dan apabila sampai di langit yang pertama maka dibukakan pintu langit itu untuk beliau.

Sampai di sini seorang hadirin bangun dan terus bertanya: Nanti sebentar tuan Imam - saya mahu bertanya: Apakah jenisnya tangga yang diturunkan Tuhan untuk beliau naik ke langit - dari buluhkah, dari kayukah atau dari besikah! Juga saya mahu tahu apakah jenisnya engsel pintu langit itu dari besikah dan dari perakkah atau dari emaskah serta bagaimana jenisnya.

Mendengar pertanyaan itu entah kerana terdesak atau pun kerana malu maka Imam yang hanya membaca kitab Mi'raj itu dari kitab itu sahaja dan tidak mengetahui tentang rahsia-rahsia Mi'raj dengan luasnya terus marah dan bangun. Ia berkata: "Kalau saudara mahu dalilnya, nah mari keluar dari masjid ini"

Imam itu langsung menyinsing¹ lengan bajunya dan membukukan tinjunya mengajak orang yang bertanya itu berkelahi ke luar masjid. Ini adalah satu contoh yang baik kepada orang-orang kita yang diminta keterangan - merembat ke lain atau pun langsung tidak memberi keterangan tetapi menuduh orang yang bertanya dengan tuduhan-tuduhan lain.

* * *

Tatkala bercakap mengenai perkara menegah mengadakan tunjuk perasaan atas perbuatan Amerika menghantarkan tenteranya di Timur Tengah, Tunku Abdul Rahman Putra berkata: "Negeri ini bukanlah macam lain-lain negeri kerana di dalam kalangan masyarakat kita pada hari ini ada


anasir-anasir Komunis dan orang-orang yang disifatkan

"subversif".

Anasir Komunis sememangnya sedang merebak di kalangan orang-orang kita. Mereka memasuki bukannya sahaja kepada orang-orang yang tidak beragama tetapi sedang memasuki ke dalam lingkungan orang-orang Islam sendiri terutamanya di kalangan pemuda-pemudanya dari sedikit ke sedikit. Untuk mencegah ini maka hendaklah perkara ini tidak disebut atau dicakapkan sahaja tetapi hendaklah dilaksanakan kepada pemuda-pemuda yang beragama Islam hendaklah dibanyakkan kursus tauhid yang berjiwa sampai penuh ke dadanya - tidak hanya diajar seperti yang diajar oleh ulama-ulama yang lupa daratan memaksa sesuatu pelajaran diterima dengan tidak memikirkan kesanggupan orang-orang yang menerimanya. Ini adalah satu kesalahan besar ulama-ulama itu sehingga menjadikan pemuda-pemudanya lari dari Islam perlahan-lahan membawa diri cenderung kepada anasir-anasir Komunis.

* * *

Umum Jelawat, Bachok, Kelantan telah mengingatkan supaya jangan bersemangat "mahu makan gaji sahaja". Peringatan yang baik ini sebenarnya janganlah dihadapkan kepada murid-murid yang melihat gambaran-gambaran di hadapannya lebih *monitoring* pakaian orang-orang yang makan gaji daripada saudagar-saudagar, petani-petani dan lain-lainnya yang membanting tulang siang malam itu. Peringatan Tengku Mahkota itu mustahak di perhati oleh Jabatan Pelajaran supaya memberi jiwa di dalam susunan pelajaran di sekolah-sekolah itu pelajar-pelajarnya bersemangat percaya kepada diri sendiri - tidak suka menjadi "hamba" orang lain yang memerah faedah daripada tenaganya. Dikatakan begitu ialah kerana di dalam susun pelajaran di sekolah-sekolah itu masih mewarisi cara pelajaran penjajahan yang beratus-ratus tahun lamanya yang membentuk supaya mereka gemar



Kehormatan Tentera.

Tunku Abdul Rahman sedang memeriksa barisan

ini tali anjing yang saya pakai ialah tali anjing yang berlesen, ada lesen dari kerajaan tetapi kamu ada memakai tali anjing yang tidak berlesen dari kerajaan kerana itu tiap-tiap anjing yang tidak ada lesen mesti ditembak mati.”

Mendengar jawab ini orang tua itu senyap. Di bawa cetera ini adalah kerana memperingatkan kepada kita bahawa pakaian bukanlah sebagai suatu yang membawa perubahan jiwa tetapi takwa itu bergantung di dalam hati.

Rasulullah (S.A.W) pernah bersabda mengatakan bahawa pada satu masa nanti banyak ulama berpakaian dengan pakaianku tetapi hatinya jauh dari agamanya.



kepada makan gaji sahaja - tidak muh mempercayai kepada diri sendiri.

* * *

Sebagai iseng-iseng marilah kita bawa suatu cetera di antara ulama yang memandang pakaian itu sebagai menunjukkan kewarkan seseorang dengan ulama yang memandang bahawa pakaian tidaklah ada ertinya di dalam alam. Diceterakan oleh yang empunya cetera bahawa di dalam suatu majlis beberapa ulama tua yang berpakaian serban dan *qāmish* didatangi oleh seorang ulama yang umurnya lebih muda daripada mereka. Ulama yang baharu datang ini berpakaian *pant long* dan *necktie*. Apabila sahaja ia bersalam kepada salah seorang ulama yang tertua di situ, orang tua ini memegang hujung *neckti*nya sambil berkata:

“Apa ini engkau pakai, tali anjing?”

Mendengar kata yang kesat itu ulama muda itu menjawab: “Ya, betul ‘*Ammi*, ini tali anjing, tetapi

Tuan Lim Yew Hock Ketua Menteri Singapura dalam

istiadat penyerahan Tentera Laut kepada

Persekutuan Tanah Melayu.